

# TARDE - REAL MARCIANISE = 1 A 0... CI NO JEVE PE IACOVONEEEE

L'ha mann't Aldo "Diecipalazzine"  
lunedì 09 febbraio 2009

Menuàmale ca IACOVONE n&rsquo;ha ffatte &lsquo;a gràzzje ce no nemmànghe quèste vingèmme. Già pe stù fatte delle tornèlle ha stàte &lsquo;nu casine. Ajère hàgghje sciùte pe ffà &lsquo;u bigljette ind&rsquo;a &lsquo;nu bar e stàve &lsquo;na fiiiiiiileeeee. Aviva pigghjà &lsquo;u nummère accòme all&rsquo;ufficje postale&hellip; ije tenève &lsquo;u 56 e stavène o&rsquo; 31. E proprie accòme &lsquo;a pòste nge vulève &lsquo;nu quarte d&rsquo;ore a cristiane. Allòre, haghje sciùte &lsquo;a n&rsquo;otra vànne ma nònge funzionàve &lsquo;u pc.. (&lsquo;u pc d&rsquo;a zziàne). Pigghje &lsquo;a màchene e va a n&rsquo;otre bar. Aquà nonge stàve casine, ma &lsquo;u cristiàne pe mèttere le nòme ind&rsquo;u pc (d&rsquo;a sòre) ngè mettève &lsquo;nu sbuènne de tièmpe piccè tenève le dicète de lle màne accòme a &lsquo;na palètte, e ogne vvote ca scazzàve &lsquo;na lettère ne cughjève doje.

E ssine! Piccè avita sapè ca scè &lsquo;o càmbe mòne no jè &lsquo;na còsa facéle. A dà &lsquo;u documènde e &lsquo;u nummère telefonèche. T&rsquo;onna registrà. Po&rsquo; arrive &lsquo;o càmbe e a&rsquo; passà mmijnze &lsquo;a &lsquo;nu check pòinte nemmànghe ce stè a Baghdad. A&rsquo; fa vedè &lsquo;u biglijette ca stè scritte &lsquo;u nòme tùve sùse. A&rsquo; fa vedè &lsquo;u documènde, po&rsquo; ha passà ind&rsquo;u tornèlle sèmpe c&rsquo;u documènde mmàne. Mijnze &lsquo;a stràde stàvene quidde d&rsquo;a questùre ca fascèvene le fotografie e le riprèse cu lle telecammère&hellip; e ce jèèèèèèèèèèèè? Jè vvère ca tenime &lsquo;u guvèrre de dèstre ma stamatine parève ca stàmme &lsquo;mmàne a Pinochet. Aspèèèèèèèèèèèè! Po&rsquo; t&rsquo;aviva scè azzettà &lsquo;o nummère de pòste ca te davène lòre e no tte putive nemmànghe azà o spustà. Uèèèèèèèèèèèè! Ma ce avite studechite proprie? Scè rubbàte a San Catàvete&hellip; scè zzettàmene addò vulime. Comungue, osce finalmènde amè turnàte ind&rsquo;u càmbe nuèstre e &lsquo;u Tarde ha vingiùte. Ce bbella curva uagnù! Le sciucatùre nuève c&rsquo;hòne arrevàte hòne stàte accusi accusi. LIMA parève &lsquo;nu picche&hellip; arruzzenite. DA SILVA jè &lsquo;nu sarchiapòne gruèsse ca cu sse mòve &lsquo;nge vòle &lsquo;a màne d&rsquo;u Segnòre. MIGLIETTA jè bbuène, e ALI&rsquo; LOLLI pure, sùle ca tène &lsquo;na cellùne vjanga vjanghe fosforescènde, ca se vède pùre &lsquo;a nòtte. &rsquo;U Tarde ha ffatte &lsquo;nu prime tièmpe sckefùse. &lsquo;O secònde, &lsquo;mbèce, l&rsquo;allenatòre capavjànghe ca tenime ha fatte trasè: CATURANO, LOLLI e SCIAUDONE e amè sciucàte mègghje. Ma nònge ame sciucàte bbuène bbuène. Menuàmale ca Eràsme nuèstre ha mmise &lsquo;na pèzze e o&rsquo; novandesème, ha spingiùte &lsquo;a palla &lsquo;mbòrte. Mbè! Da Alcatraz è tutto! A te studio&hellip; cioè a te stadio, da studio&hellip; ma ce stòche a ddicheeee. Beh! Advededèrce uagnù e&hellip; Forza Tàrde!